



Komisija za provođenje postupka po Javnom oglasu
za imenovanje dva člana Općinske izborne komisije Maglaj

Broj: 02-04-1-571-1-2/22
Maglaj: 21.06.2022.godine

OPĆINSKO VIJEĆE MAGLAI

PREDMET: Izvještaj o provedenom postupku kvalifikacije dva kandidata i prijedlog rang liste za izbor dva člana Općinske izborne komisije Maglaj

Komisija za provođenje postupka po javnom oglasu za imenovanje dva člana Općinske izborne komisije Maglaj (Konkursna komisija), imenovana Odlukom broj: 02-04-1-571-1/22 od 31.03.2022.godine održala je 10.05.2022.godine u 14,00 sati u kancelariji broj 16, zgrada Općine Maglaj, sastanak na kojem je izvršila pregled prijave kandidata na Javni oglas za imenovanje dva člana Općinske izborne komisije Maglaj, objavljenog u dnevnom listu „Oslobođenje“ dana 25.04.2022.godine na strani broj 18 (osamnaest).

U propisanom roku na Javni oglas su se prijavili kandidati: Elmir Mustabašić, Mubera Havić i Dijana Valjevac.

Neblagovremenih prijava nije bilo.

Nakon izvršenog pregleda prijava, Konkursna komisija je izvršila kvalifikaciju kandidata, te utvrdila da svi prijavljeni kandidati ispunjavaju uslove tražene javnim oglasom.

Na osnovu prijave kandidata na Javni oglas za imenovanje dva člana Općinske izborne komisije Maglaj, a shodno članu 9. i 10. Uputstva o utvrđivanju kvalifikacija, broju, imenovanju, obuci i razrješenju članova izborne komisije osnovne izborne jedinice u BiH („Službeni glasnik Bosne i Hercegovine“, br.67/21, 73/21, 1/22 i 13/22) svi kandidati koji su ispunili uslove tražene javnim oglasom su pismenim putem pozvani dana 20.05.2022. godine (petak). Intervju za kandidate je zakazan sljedećim redom: Dijana Valjevacu 15,15 sati, Elmir Mustabašić u 15,30 sati i Mubera Havić u 15,45 sati, u prostorijama Općine Maglaj, kancelarija broj 16. Kandidati su o datumu i mjestu održavanja intervjua obaviješteni putem preporučene pošte.

Intervjuu se odazvali svi pozvani kandidati. Nije bilo kandidata koji nisu prisustvovali intervjuu.

Prilikom pristupanja Intervjuu kandidata, svi kandidati su pitani “Da li su na vrijeme zaprimili akt sa obavještenjem - poziv o održavanju Intervjua, gdje su isti potvrdili da su uredno zaprimili Obavještenje – Poziv i da nemaju nikakvih primjedbi na to.

Konkursna komisija je prije obavljanja intervjua sa kandidatima izvršila identifikaciju kandidata uvidom u lični dokument, te pristupila intervjuu sa kandidatima.

Nakon obavljenog intervjua sa pozvanim kandidatima, Konkursna Komisija je obavila konačno bodovanje kandidata isaćinilarang listu sa redoslijedom kandidata prema uspjehu. S tim u vezi, Konkursna komisija dostavlja rang listu kandidat sa ostvarenim ukupnim brojem bodova Općinskom vijeću na razmatranje i donošenje konačne odluke.

R br	Ime i prezime kandidata	Nacionalno izjašnjenje kandidata	Ukupan broj osvojenih bodova (Tabela 1)
1	Elmir Mustabašić	Bošnjak	15
2	Mubera Havić	Bošnjak	12
3	Dijana Valjevac	Bošnjak	11

DOSTAVLJENO :
1. Općinsko Vijeće Maglaj
2. a/a



PREDSJEDNIK KOMISIJE

Lasminka Saračević



Broj: 06-1-07-1-1731-2/22
Sarajevo, 31.10.2022. godine

Općinsko vijeće Maglaj
N/p gđa Svjetlana Zamboni, predsjedavajuća

Viteška 4
74250 Maglaj

PREDMET: Odgovor, dostavlja se
VEZA: Vaš akt broj: 02-45-1-1807/22 od 19.09.2022. godine

Poštovana,

U vezi s Vašim aktom, broj i datum gornji, kojim od Centralne izborne komisije BiH tražite informaciju u vezi s postupkom imenovanja dva člana Općinske izborne komisije Maglaj, obavještavamo Vas o sljedećem:

S obzirom da je postupak imenovanja dva redovna člana Općinske izborne komisije Maglaj započet ali nije okončan do donošenja Odluke o raspisivanju i održavanju Općih izbora u Bosni i Hercegovini 2022. godine („Službeni glasnik BiH“, broj 27/22), odnosno početka izbornog perioda, Općinsko vijeće Maglaj može okončati postupak po javnom oglasu i imenovanje dva redovna člana Općinske izborne komisije Maglaj nakon donošenja odluke o potvrđivanju rezultata Općih izbora 2022. godine.

S poštovanjem,

Dostaviti:
- Naslovu,
- a/a





Broj: 02-04-1-1297/22
Datum: 22.06.2022.godine

ZAPISNIK

Sa treće sjednice Komisije za izbor i imenovanja održane dana 22.06.2022.godine u 11,00 sati u zgradi Općine Maglaj- Sala za vjenčanja

Prisutni :Mirza Bradarić predsjednik Komisije, Senad Šehić član Komisije, Aida bašić član Komisije i Eldis Kusr član Komisije.

Odsutni Elvir Vehabović član Komisije

Drugi prisutni: Eldina Mehinagić-rukovodilac Službe za boračko-invalidsku i socijalnu zaštitu, opću upravu i društvene djelatnosti.

Zapisničar, Elza Gračić

Dnevni red:

1. Izvještaj o provedenom postupku kvalifikacije dva kandidata i Prijedlog rang liste, za izbor dva/dvije člana/članice OIK Maglaj.

Predsjednik Komisije Mirza Bradarić, pozdravio je prisutne i konstatovao da Komisija ima Kvorum za održavanje sjednice. Upoznao je Komisiju da je jučer dobio poziv za sastanak od Elze Gračić i da ne vidi razlog da se ova Komisija sastaje i donosi bilo kakvu Odluku jer Komisija za izbor i imenovanja nije provodila proceduru izbora, niti su u ulozili da verifikuju ovu odluku Komisije. Jedino što Komisija za izbor i imenovanja može uraditi jeste primiti k znanju i uputiti na Općinsko vijeće na dalje postupanje. Pohvalio je rad Komisije i cjelokupan Izvještaj, te pitao Eldinu Mehinagić, rukovodioca Službe za boračko-invalidsku, socijalnu zaštitu, opću upravu i društvene djelatnosti šta se zapravo očekuje od Komisije za izbor i imenovanja i zbog čega su se sastali?

Eldina Mehinagić- pozdravila je prisutne, te konstatovala da je njoj rečeno da dostavi ovaj materijal Komisiji za izbor i imenovanja na dalje postupanje. Upoznala je Komisiju da je u materijalu došlo do tehničkih grešaka koje su ispravljene te ispravljenu verziju dostavila članovima Komisije.

Eldis Kusr, sugerisao je na još par tehničkih grešaka u prezimenu jednog od rangiranih te da se to ispravi prije nego materijal dođe na vijeće.

Predsjednik Komisije Mirza Bradarić, pitao je zapisničara Elzu Gračić da li imaju još neke upute?

Elza Gračić, upoznala je članove Komisije da ona nema saznanja za neke dodatne upute. Da je dobila instrukeiju od predsjedavajuće Općinskog vijeća da sazove Komisiju za izbor i imenovanja što je i uradila i to je sve.

Aida Bašić, je pitala zašto Komisija za izbor i imenovanja nije provodila proceduru?

Predsjednik Komisije Mirza Bradarić, kazao je da ne zna kao ni ostali članovi Komisije.

ZAKLJUČAK

1.1. Komisija se jednoglasno usaglasila da dostavljenu informaciju primaju k znanju, te da je na Općinskom vijeću da donese Odluku.

1.2. Komisija koja je provela proceduru treba da ispravi tehničke greške na koje je ukazala Komisija.

Sjednica završena u 11,18 sati.

Zapisničar:

Elza Gračić



Predsjednik Komisije

Mirza Bradarić





Broj:
Maglaj, 2022.godine

Na osnovu člana 2.12 stav (5) Izbornog zakona Bosne i Hercegovine („Službeni glasnik BiH“, br. 23/01, 07/02, 09/02, 20/02, 25/02, 04/04, 20/04, 25/05, 52/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22, 51/22 i 67/22) i člana 10. stav (11) Uputstva o utvrđivanju kvalifikacija, broja, imenovanju, obuci i razrješenju članova izborne komisije osnovne izborne jedinice u Bosni i Hercegovini („Službeni glasnik BiH“, br. 67/21, 73/21, 1/22 i 13/22), člana 18. Statuta Općine Maglaj – prečišćen tekst („Službene novine Općine Maglaj“, br. 8/07, 3/08 i 6/08) i akta Centralne izborne komisije Bosne i Hercegovine broj: 06-1-07-1-1731-2/22 od 31.10.2022. godine, Općinsko vijeće Maglaj, na sjednici održanoj 2022. godine, donosi

ODLUKU
o imenovanju dva člana
Općinske izborne komisije Maglaj

Član 1.

Na dužnost članova Općinske izborne komisije Maglaj imenuju se:

1. Elmir Mustabašić,
2. Mubera Havić.

Član 2.

Mandat imenovanim članovima Općinske izborne komisije Maglaj traje sedam (7) godina i teče od dana davanja saglasnosti Centralne izborne komisije Bosne i Hercegovine na ovu Odluku.

Član 3.

Ova Odluka stupa na snagu nakon davanja saglasnosti Centralne izborne komisije Bosne i Hercegovine i objavit će se u „Službenim novinama Općine Maglaj“.

DOSTAVLJENO:

1. Imenovanim,
2. Centralna izborna komisija Bosne i Hercegovine,
3. a/a

PREDSJEDAVALA

Svjetlana Zamboni

O b r a z l o ž e n j e

Članom 2.12 stav (5) Izbornog zakona Bosne i Hercegovine („Službeni glasnik BiH“, br. 23/01, 07/02, 09/02, 20/02, 25/02, 04/04, 20/04, 25/05, 52/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22, 51/22 i 67/22) propisano je da članove općinske izborne komisije imenuje općinsko vijeće, odnosno skupština općine, uz saglasnost Centralne izborne komisije BiH, na osnovu Javnog oglasa po proceduri koju utvrđuje Centralna izborna komisija BiH posebnim propisom.

Članom 2.4 stav (1) Izbornog zakona Bosne i Hercegovine propisano je da se član izborne komisije imenuje na sedam (7) godina.

Općinsko vijeće Maglaj je 31.03.2022. godine na 14. sjednici donijelo Zaključak broj: 02-04-1-570/22 kojim se traži da Centralna izborna komisija Bosne i Hercegovine izvrši izmjenu Odluke o broju članova izborne komisije osnovne izborne jedinice u Bosni i Hercegovini, na način da se broj članova Općinske izborne komisije Maglaj poveća sa tri na pet članova.

Centralna izborna komisija Bosne i Hercegovine je 14.04.2022.godine donijela Odluku o izmjenama Odluke o broju članova izborne komisije osnovne izborne jedinice u Bosni i Hercegovini („Službeni glasnik BiH“, broj: 23/22).

Nadalje, Općinsko vijeće Maglaj je na 14. sjednici donijelo Odluku o objavljivanju Javnog oglasa za imenovanje dva člana Općinske izborne komisije Maglaj (broj: 02-04-1-571/22 od 31.03.2022. godine) i Odluku o imenovanju Komisije za provođenje postupka po javnom oglasu za imenovanje dva člana Općinske izborne komisije Maglaj (broj: 02-04-1-571-1/22 od 31.03.2022. godine).

Nakon donesene Odluke, Općinsko vijeće Maglaj je dana 25.04.2022.godine objavilo Javni oglas za imenovanje dva člana Općinske izborne komisije Maglaj u dnevnom listu „Oslobodjenje“.

U propisanom roku na Javni oglas su se prijavila tri (3) kandidata. Konkursna komisija je 10.05.2022. godine, nakon izvršenog pregleda prijava, izvršila kvalifikaciju kandidata i utvrdila da sva tri kandidata ispunjavaju uvjete tražene Javnim oglasom.

Pošto su svi kandidati ispunili uvjete tražene Javnim oglasom, dana 20.05.2022. godine je proveden intervju sa kvalifikovanim kandidatima i izvršeno bodovanje. Nakon toga Konkursna komisija je dana 20.06.2022. godine obavila konačno bodovanje kvalifikovanih kandidata na Javni oglas za imenovanje dva člana Općinske izborne komisije Maglaj, sačinila rang-listu uspješnih kandidata i 21.06.2022. godine dostavila Općinskom vijeću Maglaj na razmatranje.

Općinsko vijeće Maglaj je 27.06.2022. godine zaprimilo akt Centralne izborne komisije Bosne i Hercegovine broj: 06-1-07-1-919-16/22 od 20.06.2022. godine, kojim je navedeno da s obzirom da Općinska izborna komisija Maglaj nije u punom sastavu, potrebno je da Općinsko vijeće Maglaj u roku od 7 dana izvrši imenovanje dva zamjenska člana Općinske izborne komisije Maglaj, u skladu sa odredbom člana 2.15 stav (2) Izbornog zakona Bosne i Hercegovine i članom 11. stav (2) Uputstva o utvrđivanju kvalifikacija, broju, imenovanju, obuci i razrješenju članova izborne komisije osnovne izborne jedinice u Bosni i Hercegovini („Službeni glasnik BiH“, br. 67/21, 73/21, 1/22 i 13/22). U slučaju da Općinsko vijeće Maglaj ne izvrši imenovanje dva zamjenska člana Općinske izborne komisije u navedenom roku, Centralna izborna komisija Bosne i Hercegovine će imenovati dva zamjenska člana Općinske izborne komisije Maglaj, u skladu sa odredbom člana 2.15 stav (2) Izbornog zakona Bosne i Hercegovine.

U skladu sa aktom Centralne izborne komisije Bosne i Hercegovine, Općinsko vijeće Maglaj je na sjednici održanoj 30.06.2022. godine donijelo Odluku o imenovanju dva zamjenska člana Općinske izborne komisije Maglaj broj: 02-04-1-1355/22, te zatražilo 04.07.2022.godine saglasnost Centralne izborne komisije Bosne i Hercegovine na donesenu Odluku.

Centralna izborna komisija Bosne i Hercegovine je 14.07.2022. godine donijela i Općinskom vijeću Maglaj dostavila Rješenje broj: 06-1-07-1-1403/22, kojim se daje saglasnost na pomenutu Odluku.

S obzirom da mandat zamjenskih članova traje do potvrđivanja rezultata Općih izbora 2022. godine, Općinsko vijeće Maglaj je 19.09.2022. godine podneskom broj: 02-45-1-1807/22 zatražilo stav Centralne izborne komisije Bosne i Hercegovine, vezano za provedeni postupak po Javnom oglasu i imenovanje redovnih članova Općinske izborne komisije Maglaj.

Centralna izborna komisija je 03.11.2022. godine dostavila akt broj: 06-1-07-1-1731-2/22 od 31.10.2022. godine, u kojem je navela da je postupak imenovanja dva redovna člana Općinske izborne komisije Maglaj započet ali nije okončan do donošenja Odluke o raspisivanju i održavanju Općih izbora u Bosni i Hercegovini 2022. godine („Službeni glasnik BiH“, broj: 27/22), odnosno početka izbornog perioda, te Općinsko vijeće Maglaj može okončati postupak po javnom oglasu i imenovanje dva redovna člana Općinske izborne komisije Maglaj nakon donošenja odluke o potvrđivanju rezultata Općih izbora 2022. godine.

U skladu sa aktom Centralne izborne komisije Bosne i Hercegovine broj: 06-1-07-1-1731-2/22 od 31.10.2022. godine, Komisija za provođenje postupka po javnom oglasu za imenovanje dva člana Općinske izborne komisije Maglaj je 11.11.2022. godine Općinskom vijeću Maglaj ponovo dostavila Izvještaj o provedenom postupku kvalifikacije kandidata i Prijedlog rang-liste za izbor dva člana Općinske izborne komisije Maglaj, kako je propisano članom 10. stav (10) Uputstva o utvrđivanju kvalifikacija, broja, imenovanju, obuci i razrješenju članova izborne komisije osnovne izborne jedinice u Bosni i Hercegovini.

Na osnovu člana 10. stav (11) Uputstva o utvrđivanju kvalifikacija, broja, imenovanju, obuci i razrješenju članova izborne komisije osnovne izborne jedinice u Bosni i Hercegovini potrebno je da Općinsko vijeće Maglaj, cijeneći položaj kandidata na listi, donese odluku o imenovanju članova izborne komisije. Nadalje, istim stavom je propisano da ukoliko nadležni organ odstupa od predložene rang liste dužan je u svojoj odluci obrazložiti razloge odstupanja.

Napomena: Komisija za izbor i imenovanja je na 3. sjednici, održanoj 22.06.2022. godine, razmatrala Izvještaj o provedenom postupku, kvalifikacije dva kandidata i Prijedlog rang liste za izbor dva člana OIK Maglaj. Zapisnik sa sjednice Komisije za izbor i imenovanja je sastavni dio ovog akta.

Obrađivač: Emina Hasanić 

PREDLAGAČ

Komisija za provođenje postupka po
javnom oglasu za imenovanje dva
člana Općinske izborne komisije Maglaj



